



Inatsisartunut ilaasortaq
Aaja Chemnitz Larsen

**Tarnit pissusaannik ilisimasalik qaratsamigut ajoqusernikoq pillugu § 37
naapertorlugu apeqquteqaat**

13-03-2015
Suliap nomua. 1894216
All. nr. 2015-110936

Inatsisartut ilaasortaannut Aaja Chemnitz Larsen-ip apeqqutaanut qujanaq.

Postboks 1160
Oqarasuaat: 34 50 00
Fax: 34 55 05
3900 Nuuk
Email: pan@nanoq.gl
www.naalakkersuisut.gl

1-imut)

**Danskit aviisiisa saqqummiussaattut psykiaterip qaratsamigut akornusersimasup
Kalaallit Nunaanni Peqqinnissaqarfimmi 2004- miit 2007-imut
atorfeqarsimaneranut tunngasumik Naalakkersuisut paasissutissiinnaappat?**

Uppernarsarneqassaaq tarnip pissusaannik ilisimasalik pineqartoq Dronning Ingridip Napparsimavissuani atorfeqarsimammat, psykiatrisk afdeling-imi katillugit sapaatit akunnerini 9-ni 2005-2006-imi. Sapaatit akunneri tassaapput: 41, 42, 49-52 2005-imi aamma sap.ak.1, 4-5 2006-imi. Tarnip pissusaannik ilisimasalik pineqartoq vikarbureau aqutugalugu atorfinitsinneqarsimavoq.

2-mut)

**Kalaallit Nunaanni atorfeqarnermini nappaatinut suussusersinerinut
katsorsaanerinullu tunngatillugu nalunaarusiortoqarsimava imaluunniit
misissuisoqarsimava?**

Tarniluttut tamarmik immikkut nakorsanit, peqqissaasunit peqqissaasullu ikiortaannit aalajangersimasumik misissorneqartarput. Peqqinnissaqarfik taamaammat isumaqarpoq, kukkulluni nappaatinik suussusersinerit katsorsaanerilluunniit katsorsaanerup aallartinnerani siusissumi paasineqarsinnaassasut.

3-mut)

**Nappaatinik suussusersinerinut katsorsaatisatullu aalajangigaanut atatillugu
taakkua aqqissuussaasumik naliliiffigeqqinnissaannut isummertoqarsimava?**

Qulaani nassuiarneqareersutut tarniluttut tamarmik immikkut nakorsanit, peqqissaasunit peqqissaasullu ikiortaannit aalajangersimasumik misissorneqartarput, taamaammallu kukkulluni nappaatinik suussusersinerit katsorsaanerilluunniit katsorsaanerup aallartinnerani siusissumi paasineqarsinnaassasut aaqinneqarlutillu.

4)-mut

**Napparsimasut nappaataasigut kukkusumik naliliiffigineqarsimasut imaluunniit
kukkusumik katsorsarneqarsimasut taarsiiffigitinnissaannik
isummertoqarsimava?**

Peqqissutsikkut katsorsarneqarneq pillugu naammagittaalliuutit Nunatta Nakorsaaneqarfianit suliarineqartarput. Uninngasunut kukkusumik nakorsaaneqarsimanermut taarsiiffigittoqarsinnaavoq. Nakorsaaneqarfik Peqqinnissaqarfilluunniit tarnip pissusaanik ilisimasalimmit pineqartumit katsorsarneqarsimasunit naammagittaalliortunit ilisimasaqanngillat. Aamma pineqartumut tunngatillugu nakkutilliinissamut suliakkiisoqarsimanngilaq taarseeqqusinermilluunniit piumasaqaateqartoqarsimanani.

Tarnip pissusaanik ilisimasallip taassuma atorfeqarnermini nappaatinik kukkusumik suussusersisimaneranik imaluunniit kukkusumik katsorsaasimaneranik Peqqinnissaqarfimmi aqutsisunit aamma ilisimasaqanngillat.


5)-imut

Taamatut atorfinitsitsisoqarqinnginnissaanut qulakkeerisussamik iliuseqartoqarpa?

Peqqinnissaqarfik nakorsamik atorfinitsitsigaangami nakorsap sullissisinnaatitaanera misissoqqaartuaannarpa, taamaaliornikkullu qulakkeerneqartarpoq nakorsat sullissisinnaatitaasut taamaallaat nakorsatut atorfinitsinneqartarlutik. Nakorsat kisimiillutik sulisussat sivisunerusumilu atorfeqartussat atorfinitsinneqaraangamik siornatigut atorfigisimasaannit oqaaseqaatinik aamma pissarsiniartoqartarpoq. Taamaaliornikkut inuk piginnaaneqarluartup atorfinitsinnissaa qulakkeerneqartarpoq. Nakorsat naammaginangitsumik ingerlatsisartut tamatuminnga ilisimatinneqartarput paasitinneqarlutik Peqqinnissaqarfimmi suleqqissinnaanngitsut. Nakorsat aamma naammaginangitsumik ingerlatsisut atorfimminnit soraarsitaasinnaapput.

Tarnip pissusaanut tunngasunik suliassaqarfimmi vikarbureau-niit nakorsanik atorfinitsitsisoqannginnissaa Peqqinnissaqarfiup sulissutigaa. Paasissutissiissutigineqarsinnaavoq 1. november 2014-imiilli vikarbureau-nit nakorsanit atorfinitsitsisoqarsimanngimmat, siunissamilu taamaattunit nakorsanik atorfinitsitsisoqarnissaa pilersaarutaanngimmat.

Inussiarnersumik inuulluaqqusillunga



Martha Lund Olsen